

կել: Ղարաբաղի մելիքները՝ իրենց լեռներում եւ Դաւիթ Բէկը՝ Ղափանում մի քանի տարի քաջութեամբ պաշտպանուեցին, քայց միշտ աչքերնին դէպի Հիւսիս յառած, այնտեղից վերկուրիւն սպասելով:

Ի հարկէ, սպասուած օգնութիւնը չհասաւ, թէեւ իր կողմից էլ Մինաս վարդապետը, Օրիի եւ Պետրոս Մեծի մահից յետոյ, դեռ շարունակում էր թափառել Ռուսաստանում եւ արքունիքի դռները բախել:

Տաճիկները առաջանալով, հեշտութեամբ տիրեցին Վրաստանին եւ կամենում էին գրաւել նաեւ Կասպիականի արեւմտեան ափերը — Դերբենդը, Բագուն, Լինքորանը եւն.: Սահմանների ընդարձակման հետ միասին՝ դա ներանց անհրաժեշտ էր կրկին նպատակներով. — առաջին՝ ռուսներին հեռու պահել Անդրկովկասի սահմաններից եւ ուրեմն չթոյլատրել նրանց միջամտելու արեւելքի գործերում: Երկրորդ՝ միանալու համար Կասպից ծովից դէպի արեւելք գտնուող մասմեդական ժողովուրդներին — համալսամական ձգտումներ — որպէսզի այդպիսով իրենց մէջ առնեն եւ մասմեդականութեան ծովի մէջ խեղդեն Անդրկովկասի երկու քրիստոնէայ ազգերին — հայերին եւ վրացիներին:

Վրաստանին տիրելուց յետոյ՝ նրանց մընում էր իրենց իշխանութեան տակ ձգել դէպի Կասպից ծովը տանող երկրորդ ճանապարհը եւս — Լեռնահայաստանը: Իրա համար էլ Սարը Մուստաֆա փաշան իր գլխաւոր բանակով ամրանալով Գանձակում, զօրքեր է ուղարկում առաջին հերթին բուն Ղարաբաղը գրաւելու: Մելիքները հերոսաբար դիմադրում են, մանաւանդ Իրգակի տէրը՝ մելիք Աւան խանը, որ միւսներից աւելի զօրեղ էր: Նա դառով մի կիրճում փակում է տաճիկներին եւ չարաչար ջարդում: Սարը Մուստաֆա մի գլուխ փախչում է Երեւան: Սակայն պիտի ասել, որ տաճիկները յաջողութիւն ունեցան Դաւիթ Բէկի դէմ մղած կռիւներում եւ նրա հիմնած անկախութիւնը խորտակեցին:

Նաղիր Շահը զօրանալով, քշում է տաճիկներին Անդրկովկասից եւ ռուսներից էլ յետ է խլում Կասպիականի ափերը: Նա հայ մելիքներին կրկին վերահաստատում է իրենց իշխա-

նութեան մէջ, որովհետեւ նրանք արիարար կուուել էին իր թշնամիների՝ տաճիկների դէմ եւ նրանց մեծ հարուածներ հասցրել: Նրա այդ քայլը նաեւ դիւանադիտական մի խելօք խաղ էր — նախ՝ իր թագաւորութիւնը հայ մելիքներին ճանաչել տալու, երկրորդ՝ այդ վերջիններին Ռուսաստանից հեռու պահելու տեսակետից:

3.

Այդպէս ուրեմն, հայերի ակնկալութիւնները Ռուսաստանից այս անգամ նոյնպէս ի դերեւելան, ինչպէս սպարդիւն էին անցել նրանք Արեւմուտքից: Պետրոս Մեծը, իր գործերը Կասպիականի ափերում կարգադրելուց յետոյ, ժամանակը յարմար չհամարեց Հայաստանի ազատութեան համար, թէեւ մինչեւ իր կեանքի վերջը նա շարունակեց յուսադրել հայերին եւ անկախութեան տենչը վառ պահել նրանց սրբտերում:

Բայց պիտի արձանագրել, որ ռուսական օրիենտացիան, մասնաւորապէս Պետրոս Մեծի յուսադրումները, մէկ շատ խոշոր արդիւնք ունեցան մեր երկրի ու ժողովրդի համար: Դա այն է, որ նրանք առիթ եղան, մի տեսակ խթան, հայ զինուորութեան, հայ մարտական ուժերի կազմակերպման:

Դեռ աւելի. ինքը Դաւիթ Բէկն անգամ արդիւնք էր այդ յուսադրումների: Նա մեր իրականութեան մէջ ասպարէզ եկաւ Պետրոս Մեծի թելադրանքների հետեւանքով: Երբ նա՝ Պետրոս Մեծը՝ առաջարկեց հայերին զինուել եւ իր գալու հետ միասին դէնք բարձրացնել, հայերը ահա այդ ժամանակ դիմեցին վրաց Գէորգ Շահ-Նաւազ թագաւորին եւ խնդրեցին մէկ հրմուտ զօրավար՝ հայ զինական ուժերը կազմակերպելու եւ ղեկավարելու համար: Գէորգ արքան էլ ուղարկեց Դաւիթ Բէկին, որը Վրաստանում զինուորական ծառայութեան մէջ էր եւ մեծ անուն էր հանել իր քաջագործութիւններով:

Շարունակութիւնն արդէն ամէնքին յայտնի է: Դաւիթ Բէկը կարճ ժամանակի ընթացքում գեղեցիկ ձեւով կազմակերպեց հայ զօրքը եւ ստեղծեց մի պատկառելի ոյժ: Մի քանի տարի անընդհատ նա կռիւներ մղեց, հերոսական կռիւներ, Հայաստանի ներքին եւ արտաքին